

چند عالمیہ

مستحکم جہانہ اسلامیک جہانہ دہمیک جہانہ

ربیع الاول سنہ ۱۳۴۹

۶۴ عدد

شمالیہ آیدہ بر نشر اولنور

آلشعبیہ

سوء تمیزدن توفی

— مجادلانده نصاب نصفت —

ادع الى سبيل ربك بالحكمة والموعظة ...

حكيم مطلق تعالى و تقدس حضرتلرينك ، شاني (ان الدين عند الله الاسلام) ديباجه
غراسيله اتم واجل اديان اولقى اوزره ستايش و تجليل بيوردقلى مسلمانلغك ؛ بى بشره
موهوب برعامل حكمت و دليل هدايت اولوشى نوحمرك خواص و عوامنه طائيفمچون
قرآن جليل الشانك كنجينه بلاغت و حكمتنده موجود دهرلك و تخصيص بولنديغمز دورك
مزاجهم متنوعه سنه اك حاذق بر حكيم شانيله تشديرديكى دوا و صلاح آثارى هر ساحه ده
و هيفه ده مبسوطاً كورر و كوستره بيليرز. هر زمان ايجون فيكرو حياتك نظامنه و اجتماعيتمرك
انتظامنه معنا و ماده خادم اولان اساسات عاليه دن برى ده تبليغ و ارشاد خصوصه سنده
شرع شريفك تعليم بيوردى طرز هيف و اك شديلى وقاسى قىليرى تسخير و تدلين ايلكه
موفق اولان اسلوب شريفدر كه نظم جليله انك آدنه (موعظه حسنه) اطلاق اولمشدر .
جناب حق طرفدن سبيل حقه دعوت امرنده نبي ذيشانه متجلى اولان فرمان حكيمده
ارشاد و تبليغ كيفيتك بو نامله ياد و تقيد بيورلمش اولمى البته پيغمبر مژدن صكره امت
ايجون و بتون بشريت حقنده واجب الامثال بر نهج توفيق و ترغيب اولديغنده شبهه يوقدر
بونك عكسى يعنى نفس اماره نك جبر و تضيقيله ضرور و اكثرا احتراصلردن تولد ايدن
غلظت و خشونتلى سوزلر ، مقاله لر ، منتقمانه معامله لر نظر شرعه ده معيوب و مردوددر .
آيت كريمه ده كي (موعظه حسنه ي) مفسرين كرام ؛

خواص امته قارشى خطابات مقنعه ، عوامه نسبه ده عبرتنامه ايرادى وجهله تفسير و توجيه
ايلشدر .

غافلين و معاندينه قارشى اهل حقك وظيفه ارشاديه و تبليغيه سي : (وجدالهم بالتي هي احسن)
طريقنده مفهوم اولان ملايمت و وجه ايسرى ايتار ، مقدمات مشروعه مشهوره ي اتيان ،
افراط و تفريطدن بجايت يولنده « احسن جدال » شرائطه مراعات ايله اولورسه ؛ مخاطبك
عنادى آزالقى ، غيضى ، غضبى قىللى طولاييسيله مطلوب و مستحسن نتيجه لره وصول
قولايلاشير بيوك غايه لرك استحصاله ايفضلى رهبرده بو اوله بيلير . و قيله حضرت موسى

عليه السلامك فرعون قارشو سنده التزام واختياره مأمور بيورد قلري اوضاع مخصوصه نك سبب وحكمتهلري ادراك معالي ايله مشغول اولان اهل يقين ايجون (فقولاله قولاً لينا) نص شريفندن استخراج واستنباط قابل وميسر در . احوال روحيه وملكات عقليه نك بين البشر تفاوتى ، شرائط حياتيه نك تأثيراتى دقتدن دور طوليبوب دينى تبليغات مثلاًو محاورات ، اخذارات ومناقشات عموميه مزده بز مسلمانلره رهبر نجات وموفقيت اوله جق وجه مشروح مشروعدن غيرى طريقلره قويولماقلمغز ايجاب ايدر . ايمان وايقانك امر واقضامى بودر . بو عصمت ديندارانه نك تأثيرات حسنه سنى تاريخ دى شواهد عديده سيله كوسترمش ، افراطكارلنك وديدى قوديلرك بلاياى سينه سى ايسه مع الاسف الى يومنا هذا باشمزه درد اوله رق چوكشدر .

حكمتك والته رضاي ذوالجلالك غلظت وانتقامدن بعيد اولدينى مشعر ومؤدى اوله رق (وان عاقبتهم فعاقبوا بمثل ما عوقبتم به) نظم جليلينده ماهواحق اولان وملحدن حقلرنده اراده بيوربلان طريق مقابله دين اسلامك شوكت وشرفى اعلا ايدن علو وسماحتلرك بر معيار ومونه سى اولمشدر . انتقامپرستلىكلر تجاوزات لسانيه وفعليه ي ايلرى درجه لره وارد يرمقن متولد احوال وافاتك آلتنده قالان وانا حق اولان بتون ملت وجمعيتدر . اخذار حساسى شرعاً اولدينى كى عقلاً دى مذموم ومرجوحدر . چونكه بو حركتلك طرف معارضنده براقدينى كين وعفوت فرصت بولمقچه علوريز فساد وفتنه اولمقدن قورتوله ماز صبر وملايمتك طوغوردنى ميوه ايسه اصلاً آجى ومضر اولماز .

صبر ، حلم ، سكوت واعتدال انسانك اك نجيب خصائل وحليانندن برى اولمق اوزره بارى تعالى حضرتلى آيت سابقده معاقبه نك مثلاً مساع ومشروعيتنه رديفاً (ولئن صبرتم لهو خير للصايرين) توصيه رحمانينده : صبرليلرك صبرى وعفو وصنحى منتقملىك انتقامندن خيرليدر بيورمشلر وبوصورتبه مارالذكر خير وخصلتك قدرى رفيع وتاكيد ايشلردر . على العموم عباد حقنده شامل بر تمدى اولان بوشريف خصلت تخصيص ذات حضرت رسالتيناهى حقنده تصرىحا وتخصيصاً مأموره وملزم قلنور . جناب پيغمبر تكررراً (واصبر) امرالهيسته مخاطب اوليورلركه بوندن منضم اولان سبب وحكمت : علم بالله واعتماد على الله طريقتنده ناسك امامى وپيشواى اولمق لازمكلن نبي عاليتبار حقنده دها اهم وقطعى بر لازمه ايدوكنى اعلامدر . شوخالده انسانلرك علم ، شعور ، تنور اعتباريله دها يوكسك مرتبه ده اولانلرى ، مادون سويه ده بولنانلرندن دها فضله صبور وسليم احوال اولملى افات لسانيه نك مضر ومهلك مجاريسندن تباعد ايلملى لابددر .

فی الواقع سیرت جلیله احمدیه و شیمه جلیله محمدیه مأثرند افراط ، انتقام کی اجراء تصادف
ایدیه مشدر . صحیحاً مروی اولدیغه نظراً رسول الله افندمن ؛ سید الشهداء حضرت
همزه رضی الله عنک پارچه لئه صورتیه معلوم اولان وضع فجیع شهادتی کوردکاری زمان
اودلخراش و سوزشلی حاله قارش یمن بالله ایدرک (اگر بنی الله انله مظفر ایدرک
اولورسه همزه نیک بدله آکا یادقلرینک یتیم مثلی کنیدلرینه اجرا ایدرم) بیورمشلردی .
مؤخرآ وقتا که ید مؤیده پیغمبری فاعلاردن ایسته دیکی مثللو جزا و انتقام آلمه قدرتیاب
اولدیلر . (عزم علی المثل) دن سکول و فراغت ایتدیلر و یمینلرینه کفارت بیوزمق صورتیه
نفسه خوش کلن اخذنار شکلی؛ عدل و نصف و رفق و مرحمتله موصوف مناقب جلیله
فدا الیبوب نبی رحمت اولدقلرینی دنیاه طایتیدیلردی .

— نصوص قرآنیه و سنن نبویه آگاه اولان و مؤمن و موحد عنوانیه محرز شرف اولان
مسلمانلر بیلرلرکه : دین اسلام سیرت و سلوک نبوی دارنده بشر ایچون بر حکمت بالغه
صمدانیه در . هرامری حکمت و هرهنی وردی محض عدل و اصابتدر . بونک خارچنده
حرکات و اعتیاداته دوام اتمک بوسایه سماویه نیک معاذالله اوزریمزدن افولی خسارنه بادی
اولمق و بلکه بو شجره طوبی نوالک یواش یواش فیض و فلاحندن دوچار حرمان ایدرک
یوله صابقتدر .

ایشته زمانه ده کی اعتیادات سقیمه مزدن مستخرج و هرسلیم فکرلرده تعین ایدن تهلیکه
بودر . اغواءت ، افتراءت ، تحریک و تسویل ، انتقامپرستانه جرأتلر محیطمزده عادتاً غیر
معیوب شئون صره سنه کچه شددر . ومع الاسف بومعای تقیدرایدوب تحرز ایدن برقسم
مدبر و منصف (زماننا زمان السکوت و ملازمة المیوت) حکمنه رام اولمش و کنسارده
کیزلنمشدر . جامعلرمزده ازچوق تمیه سنه چالیشیلان سنبله وحدت و فاقه زهرفتن و افتراق
آقینه حق استعدادده کوریلان بیسود ، بی معنی تفوهات — دیدی قودیلردن — توقیایله قرآن
عظیمده کی «یخربون بیوتهم بایدیم الخ ..» حکایات عبرتنامه معروض و مبتلا اولان طائفه
خراب و هلاکک وضعیترینه دوشمک و شاشرمقدن محاببت ایتملیر . والله الموفق والمرشد

اعضادان

اسکورتی سیمه